




Nr. Regj. 32184/2012

GJYKATA THEMELORE NË PRISHTINË-DEPARTAMENTI I PËRGJITHSHËM-DIVIZIONI PËR KUNDËRVAJTJE NË PRISHTINË GJYKATA KOMUNALE PËR KUNDËRVAJTJE NË PRISHTINË, gjyqtaria Azra Cakolli me pjesëmarrjen e sekretares juridike Shemsije Lumi, duke vendosur në procedurën për kundërvajtje kundër të pandehurit Feti(Lazam)Mehdiu, nga Matiqani Komuna e Prishtinës, për kundërvajtje nga neni 5, 6 par 1.3 dhe neni 9 ndëshkuar me nenin 17 paragrafi 1.3 të Ligjit për Deklarimin, Prejardhjen dhe Kontrollin e Pasurisë të zyrtarëve të lartë publik dhe Deklarimin, Prejardhjen dhe Kontrollin e Dhuratave për të gjithë personat Zyrtarë, Nr. 04/L-050, në bazë të nenit 73, 74, 195, 199 dhe nenit 198 par 1 pika 8 të Ligjit mbi Kundërvajtjet(LK) GZ KSAK 23/79, më datë 15.11.2013 morri këtë:

AKTVE N D I M

PEZULLOHET procedura kundërvajtëse kundër **Feti(Lazam)Mehdiu**, i lindur më 20.01.1944 në fshatin Zajazë, Komuna e Kerqovës, tani me vendbanim në rrugën "Isa Kastratit", pn, në Matiqan, Këshilltar Komunal në Prishtinë, i martuar baba i katër fëmijëve, ka kryer fakultetin Filozofikë, i gjendjes së mesme ekonomike, konform nenit 198 par 1 pika 8 pasi që nuk ka prova se ka kryer kundërvajtjen.

Shpenzime të procedurës nuk ka pas.

Nga një kopje e këtij aktvendimi ti dërgohet të pandehurit dhe ushtruesit të kërkesës.

A r s y e t i m

Agjencia Kundër Korrupsion në Prishtinë, i parashtroi kësaj gjykate kërkesën Nr. 01-2502/2012 me datë 07.08.2012 për fillimin e procedurës për kundërvajtje ndaj të pandehurit, për kundërvajtje nga neni 5, 6 par 1.3 dhe neni 9 ndëshkuar me nenin 17 paragrafi 1.3 të Ligjit për Deklarimin, Prejardhjen dhe Kontrollin e Pasurisë të zyrtarëve të lartë publik dhe Deklarimin, Prejardhjen dhe Kontrollin e Dhuratave për të gjithë personat Zyrtarë, me të cilën kërkesë i vihet në barrë se në Agjencinë Kundër Korrupsion nuk e ka dorëzuar formularin mbi deklarin e pasurisë sipas kërkesës së Agjencisë.

Më datë 22.10.2012 gjyqtaria ka marr aktvendim me të cilin Feti Mediu, është shpallur fajtor dhe i është shqiptuar dënimi me gjobë në shumë prej 450 €. Kundër këtij aktvendimi kanë ushtruar ankesë i pandehuri Feti Mediu si dhe Agjencia Kundër Korrupsion. Gjykata e Lartë për Kundërvajtje në Prishtinë me Aktvendimin GJL nr. 1279/12 të datës 13.11. 2012 ka abroguar Aktvendimin e shkallës së parë dhe lënda është kthyer gjykatës së shkallës së parë në plotësim të procedurës dhe rivendosje. Duke vepruar sipas vërejtjeve të Gjykatës së lartë, gjyqtaria mori në pyetje përsëri të pandehurin Feti Mediun i cili deklaroi se në lidhje mos deklarimin e pasurisë në kërkesë të Agjencionit, është lajmëruar në Agjenci dhe se në atë kohë zyrtari kompetent ka qenë në pushim vjetorë dhe për këtë arsye nuk ka pas mundësi të informohet për çka bëhet fjalë dhe se deri më datën 22.08.2012 nuk ka mundur me kontaktuar me zyrtarin e Agjencisë, në ç rast dhe ka bërë plotësimin e formularit për deklarim të pasurisë të cilin deklarim e ka bërë me vonesë duke pretenduar se pa fajin e tij ka ardhur deri te vonesa. Ka prezantuar Vërtetimin nr. 03/3643/12 të datës 22.08.2012 për deklarim të pasurisë.

Është ftuar pika kontaktuese Nexhmije Krasniqi, e cila deklaroi se Feti Medihu është njoftuar si të gjithë Këshilltarët të tjerë dhe gjykatës ia ka prezantuar Listën për Dorëzimin e Formularëve të datës 22.03.2012, ku shihet nënshkrimi që ka pranuar formularin në fjalë, deklaratën e ka dhënë në prezencën e Fetiut dhe i njëjti e ka parë nënshkrimin e tij në Listë.

Poashtu u dëgjua dhe Përfaqësuesi i agjencisë Enis Sadiku i cili deklaroi se me Ligjin e mëhershëm nr. 03/L-151 nuk ka qenë e paraparë pozita e Këshilltarit Komunal si zyrtarë i lartë publik dhe se sipas Ligjit të Ri nr. 04 /L-050 edhe Këshilltarët Komunal si zyrtarë të lartë kanë pas për obligim ta deklaron pasurinë dhe pika kontaktuese Nexhmije Krasniqi më datë 16.02.2012 na ka dhënë Listën e zyrtarëve të lartë publik në Komunën e Prishtinës dhe në atë Listë qëndron emri i Feti Mehdiut. I njëjti ka pas për obligim deklarimin e pasurisë sipas kërkesës së Agjencionit me e bërë në afatin prej 01.03.2012 deri më 31.03.2012 i cili afat është përputh me formularët e dërguar personave të tjerë zyrtar të lartë në Komunën e Prishtinës, të cilët kanë bërë deklarimin e rregullt vjetorë. Me një shkresë e kemi lajmëruar z. Hmitin, Kryesuesin e Kuvendit Komunal se është iniciuar procedura kundërvajtëse kundër Këshilltarit Komunal Feti Mehdiu, ashtu si që e parasheh ligji, poashtu në Agjencion në çdo kohë ka persona të cilët i pranojnë formularët, andaj nuk është e vërtet se nuk ka pas mundësi të dorëzimit për shkak se personeli ka qenë në pushim vjetor, pasi që më 31 mars personeli ka punuar dhe nuk kanë qenë në pushim vjetor. Konsideroj se i njëjti i ikë përgjegjësisë në këtë mënyrë dhe se e ka kryer kundërvajtjen.

Pas marrjes së vendimit nga gjyqtaria ku i njëjti është shpallur fajtor përsëri i pandehuri ka ushtruar ankesë dhe përsëri lënda është abroguar nga Gjykata e Apelit me aktvendim K.A. Nr. 1032 të datës 02.10.2013 duke dhënë vrenjtje të konstatohet a ka pas i pandehuri Kërkesë nga agjencionit të bëjë deklarimin sipas Kërkesës së agjencionit e cila kërkesë duhet ti dorëzohet.

Përsëri është dëgjuar pika kontaktuese Nexhmije Krasniqi e cila ka deklaruar se ia ka dorëzuar me nënshkrim formularin dhe kërkesë të veçantë nuk ka pas. Ushtuesi i kërkesës Agron Behrami, përfaqësues i Agjencionit kundër Korrupsion prezanton vetëm njoftimin dhe jo Kërkesën e veçantë të agjencionit, andaj konform nenit 198 par 1 ika 8 në mungesë të provave gjyqtaria PEZULLOI procedurën kundërvajtse.

Me sa u tha më lartë u vendosë si në dispozitiv të këtij aktvendimi.

GJYKATA THEMELORE NË PRISHTINË-DEPARTAMENTI I PËRGJITHSHËM-DIVIZIONI PËR KUNDËRVAJTJE NË PRISHTINË

Nr. Regj. 32184/2012, datë 15.11.2013

Gjyqtaria

Azra Cakoli

KESHILLA JURIDIKE

Kundër këtij aktvendimi pala e pakënaqur ka të drejtë ankese në afat prej 8 ditësh Gjykatës së Apelit-Divizioni për Kundërvajtje në Prishtinë, nga data e pranimit të njëjtit nëpërmjet Kësaj gjykate, pa taksa.